

江西通志稿

第八一册

250

42

21=81

送劉司訓仲衡之官石城序	五君分韻詩序	送清狂山人歸秦和序	贈太守高君之任九江序	送康使胡新歸田叙	開州守李君致政序	送鄉友林茂才贛州府學訓導序	送蕭子所序	贈蕭子所養親還西昌序	送呂仲善使北平采史序	送劉永泰還江西序	送張鳴玉序	送郭真人還五筍山序	送劉子鉉序	明	贈宋國賓還贛序	送習文質赴辟富州吏序	送錫文廷之清江錄事序	送婁志淳太初赴石城縣主簿序	送李教諭赴石城任序	送李文卿序	送左縣尹序	送黃文中赴西澗書院山長序	送南城教諭黃世弼序	贈教諭榮應瑞序	送札元用序	送墨莊劉叔照遠遊序
周是修	陳謨	楊廉	楊廉	劉定之	劉定之	邛瑤	貝瓊	宋濂	宋濂	宋濂	楊士奇	危素	危素	王沂	傅若金	歐陽元	吳澄	吳澄	吳澄	吳澄	吳澄	吳澄	吳澄	吳澄	虞集	虞集

贈董謀之
晴江說將度臺中丞喻公

江西省
江西通志
江西省博
江西通志稿整理組
稿紙

清

禪林寺序

創四忠祠序

題題師去來館文

澹臺祠祀卷序

四忠祠序

墓修陶桓公祠序

重修武廟記

豫章二祀紀序

修葺宋洪忠宣相堂序

募建喻徵君祠序

經歸先生書院序

詩序

文德翼

文德翼

樓儼

蔡士英

啟同人

周偉

楊際華

陳宏緒

黃家遠

李蘭

宋佚

86

江西通志稿整理組 稿紙

蕭特御喜陸太祝自信州移居洪州五芝觀詩序

于邵

于邵

暮春陪諸公遊龍沙巖清風亭詩序

黃履堅

周必大

吳澄

題金谿吳節婦黃氏訓子詩後

劉謙

明

譚婦貞烈祠詩序

石岡書院詩序

諱節婦詩序

並帝蓮詩序

89

88

87

江西省博物館

唐 送吉州杜司戶審言序

唐 陳子昂

嗟夫德則有鄰才不必貴昔有耕於巖石而名動京師詞感帝王
 乃位昇武騎夫豈不遭昌運哉蓋時命不齊偶有數也況大聖提
 象羣臣守規杜司戶炳靈翰林研幾策府有重名于天下而獨秀
 于朝端徐陳應劉不得剗其壘何王沈謝適足靡其旗而載筆下
 察三十餘載秉不羈之操物莫同體合絕唱之音人皆寡和羣公
 愛禰衡之俊留在京師天子以桓譚之非謫居外郡蒼龍閣茂扁
 舟入吳告別千秋之亭迴櫂五湖之曲朝廷相送駐旌蓋于城隅
 之子孤游淼風帆於天際白雲自出蒼梧漸遠帝臺半隱坐隔丹
 霄巴山一望魂斷淥水於是邀白日藉青蘋追瀟湘之遊寄洞庭
 之樂吳歛楚舞右琴左壺將以緩燕客之心慰越人之思杜君乃
 挾琴起舞抗首高歌嗟皓首而未遇恐青春之蹉跎且欲攜幽蘭
 結芳桂飲石泉以節味咏商山以卒歲返耕餌木吾將老焉羣公
 嘉之賦詩以贈凡四十五人具題爵里

江州府志卷之八

秋於敬亭送從姪嵩遊廬山序

唐 李白

余小時大人令誦子虛賦私心慕之及長南遊雲夢覽上澤之壯
 觀酒隱安陸流徙十年初嘉興季父請長沙西還時余拜見預飲
 林下嵩乃稚子嬉遊在旁今未有成鬱負壯氣吾衰久矣見爾慰
 心申悲道舊破涕為笑方告我遠涉西登香爐長山橫蹙九江却
 轉瀑布天落半與銀河爭流騰虹奔雷激射萬壑此宇宙之奇詭
 也其上有方湖石井不可得而窺焉羨君此行撫鶴長嘯恨丹液
 未就白龍未遲使人著鞭先往桃花之水孤負宿願慙未歸於名
 山終期後來攜手五嶽情以送遠詩宵闕手

送洪州李別駕還任序

唐 獨孤及

別駕者當宰三縣佐四郡未始不以廉直為已任亦未始以廉直
街已名仕有餘力則寄傲于琴趣遠是以曲高意精是以聲全得
於心而形於手故非外獎所及當其操絃如操政焉時人知其琴
不知其政善而無伐光而不耀故也今也來思上台解榻卿大夫
士從之如不及時因觀操縵之妙可以見從政之道是行也吾子
其懋修乃德恪警爾位夫亦將抑與不暇求於何有繼揚郢音明
且將遠廬峰溢水大江間之風景可同而聽不可共由是家君子
賦詩以壯別且曰備折揚黃華之韻用抒他年之相思

送薛處士業游廬山序

唐 獨孤及

薛侯敷於詩固於學敏於行時然後言言而寡尤口不言祿祿亦
不及識其真者也為永歎而薛侯居之澹如君子哉若人也方以
城市鄙于邱壑倦遊不如嘉遯是月也拂纓上之塵而遊廬山山
上有峰頂大林下有東林西林化成遺愛六寺慧遠道生二公昔

當春戀于斯焉履痕屐齒遍滿崖谷神期眸變恒若對面之子之

頁

往獲心契矣苟藏器於身時行則行待之將來隱顯一致彼安貞
者其或有利涉之振機乎趙補闕驊王侍御定張評事有略各以
文為賦記行邁之所以然余亦持片言用代疎麻瑤華之贈

送宇文協律赴江西序

唐 獨孤及

復周正之年天子以潤州刺史張公林為豫章牧豫章之人既庶
且富部從事縣大夫缺而不補先以掾徵協律於會稽時人皆賀
豫章之得賢協律之遭遇君子則曰夫子乃有餘地不啻切玉剖
小鮮而用其銑無乃不可乎夫子曰不然蓋其不患秩卑而患已
素餐不患國士之不我遇患遇之而不答苟有用我者吾其為執
射乎於是舉帆西陵是日于邁然後知大夫之感義而不私其身
也于越長路江皋暮春沉吟秦山悽愴鏡水豈不知今日斗酒明
且不共顧懷安敗名無勇也怨別傷遠非丈夫也苟將申其道而
成其務則萬里咫尺別何有二三子其詠歌之以代離珮

送高寬仁序

唐顏真卿

國家設觀察使即古州牧部使之職代朝廷班導風化而宣布德
 意振舉萬事而沙汰百吏者也民俗之舒慘兵賦之調發刑獄之
 寬濫政治之得失皆得以觀察而行之其任可不謂重乎江西貴
 溪高君寬仁初舉明經歷任中外克謹職務政績昭著陞福建觀
 察使夫君子之仕不以位尊為榮而以盡職為貴福建大藩也其
 地東帶滄溟南接交廣民居若是其眾也政務若是其煩也職乎
 州郡者果皆循且良尚不能保其無一事之不舉矧未必循良乎
 弱之食強之取饑寒顛沛而漁奪之厥則畎畝之民若之何能求
 其安也自古為民之病者多類此是以居高位而欲下之安其道
 難也故眾者以位高為寬仁喜予獨以盡職為寬仁勉所以盡職
 者無他已格物而已忠君愛民而已予與寬仁交久且厚予所
 以望於寬仁者豈但在於政事文字之間而已哉振肅風紀表儀
 一方盡致君澤民之道使聲名流芳史冊茲行是望於是乎書

江西通志卷之...

三

送王司議季友赴洪州序

唐于邵

洪州之為連帥也舊矣自幽薊外蓋加之以師旅十年之間為巨
 防焉常聞越奧區扼江關重阻既完且富行者如歸道徃之今民
 大和會故朝廷重於鎮定咨爾宗枝勉移獨坐之權實專方面之
 寄七州奔走而承命一都風化以在我是以王司議得為副車况
 如彼數賢為之助理何憂乎杼軸為繫何畏乎寇賊不奔歟然則
 政由宇下風馳境上上下下之交理道彰矣良辰歲首薛公敘離蒼
 然霜林墜葉為髮別怨既如此歲窮又如此豈長年之所獨悲抑
 同人之所增歎邵史官也歲職在書法以中丞宣力王室以司議
 碩畫幕中予將書之行矣自念

送李校書歸江西序

唐 子 邵

與子中外表也親之至也異姓莫先睽隔不面老而方合可為歎
 息矣曷期遠會于零桂之間哉大火之交南秋可畏其歎如蒸其
 華轉鮮昏霾而禽鳥欲絕曦赫而薄鏢無措易練不足以禦流汗
 並燎不足以敵炎氣子遷客也是甘其艱子薄遊也何在斯繁况
 依藉門戶本儒家之文行總貫陰陽乃王官之武備聰明精密道
 不苟合真吾人之益者也以世多故始家廬陵悲鄉國之眴邈想
 邱園以蕪沒羈旅南土復何言哉季子無金未下妻嫂淮陰寓漂
 終取王侯無以風雨為悔無以名位自薄乘時體命其乃光乎予
 屬湘東之命子有塗西之役非適之適我勞如何雲天茫茫行矣
 自愛

送許校書赴江西使府序

唐 權德輿

紳冕之士角逐於名聲者必以射策東堂校文石渠為稱首於公
 範言之皆其細者予與公範尋世好以約交道獲申十年之敬出
 處多故及茲再會久飽諸公之議今日得之心包大猷口折精理
 可以稽合同異懸照是非夫然者焯當世之譽交天府之辟疾若
 機響不亦宜乎國家尚用兵車之會且思磐石之固俾賢玉象旌
 節主江西諸侯辟書回下大搜雋望公範拂拭逢掖從容長裾赴
 知己之命仲丈夫之志固當酌六經精義以贊軍政俾介冑之下
 禮讓興行且以中庸明誠之根本覃思於文藻致用於政事發矧
 投刃固在於遠者大者庸詎知今茲一舉非圖南之羊角邪臨岐
 話別迭以勉固志業而已若愀然涕下以聚散為念此可略也眾
 君子置之

送從兄顯遊江西序

唐 權德輿

昔安邱敬公以王佐之才而運丁符氏，故經綸大略，埋泥不振。如其來時行道，可以財成家邦，豈止於相區區前秦，與王景略齊名而已。特軌道塞從古，以然德輿兄實承安邱之遺烈，其後枝流以食舊德，故兄能踐中行，蹈貞厲，守師氏之訓，修君子之詞，慈靜而用晦，誠謙以居約者，向二十年，衮衣大帶，名未登于王府，以一葦為航，遊江湖間，今將省家於上饒，順流于潯陽，羈旅之中，未始以進趨為念，鄙則不敏，粗為哲兄言之，自十數年間，戎車居天下之半，故純白清靜之士，多鬱而不發，其或倚佳名，席世好，以取貴富者，皆朝為屠沽，夕拖章組，風波變化，以萬萬計，其次或雜與諸生之徒，冠柱後惠文，持從事使者之機，溢於府寺，諠於傳置，風流不還，聲實相遠，然則得喪本不足以滑曠士之慮，又況今之得喪耶。先師曰：知足者不以美自累，行修於內者無位而不怍。此二者可以書紳而三復也。鄙夫所獻如斯已矣，如其地理所歷，與煙霧之

江西南通志館稿紙

五 頁

候皆備於詩人之思，此略而不書。

奉送從叔赴任鄱陽序

唐 權德輿

叔父端懿誠厚，退然自牧，博洽前載，不以沽名待價為心。德輿羈

匪時，伏見從叔父義興君戶部君送別二序，自前歲安邱敬公至周千金恭公而下，德善功烈，辨其昭穆，叔父承千金廣川清水三葉，紹封之慶，其素履淑行，二叔父賢詳言之，爾來三十餘歲矣，服義日茂，用晦如初，以仁愛任卹，復趨選部，銅章列城，得之不勤，昔季路必不齊理，蒲與單父為孔門上弟，宏之在人，仁遠乎哉。況者君故地理通下邑，其壤沃其境清，惠和簡康，可以游刀，異日九江之西，上百里課第於有司者，其在叔父乎。佐酒露，醉歌詩為禮，有命曰：爾宜序謹序。

送盧嶽處士符載歸蜀觀者序

唐 崔 羣

旋頭光明垂三十載不習俎豆化為侯王者十有八九焉由是隱
 逸憔悴羔雁不行蒼山沉沉側陋不顯建中初有城媚客符君發
 六籍棹三湘深入匡廬絕迹半紀學窺顏子之門闕文紹陳君之
 骨鯁逸慕嚴光之垂釣志效管寧之不欺結廬熙熙人不知其然
 也頃予奉命江西三年徃復彭蠡未嘗不詠湖月漱天倪造符君
 雲扃宿五老峰下動更聯朔不理還樵偶丹霄至人白鶴羽客舉
 靈芝踰天壇相顧永息乎蓬瀛豈復又榮於塵網觀君超澹愴興
 舊遊雖笑語飲食如常終忽忽若居大夢君家在岷蜀展愛高堂
 將聖賢典籍克人子幣帛所以激衰俗扇清風方伯地君不以厚
 禮遲吾子予未之信秋九月楚人歌采蘭以送之

送崔副使歸洪州幕府序

唐 符 載

今四方諸侯裂王土荷天爵開蓮花之府者凡五十餘鎮焉以禮
 義相推以賓佐相高長城巨防懸在一士苟人非髦彥延納失所

二一 卷之三 志館稿紙

六頁

雖地方十里財富百倍有識君子咸舉手而指之我主君常侍李
 君以南昌軍倅辟于崔君真得賢也崔君名稅字公約天質方厚
 氣色淳重有端正之行業有操斷之利用柔則水順剛乃山峙工
 文章善笑謔言語飲酒可百觴交朋好與遊者如攀瓊枝坐瑤圃
 油然竟日而不知厭也始以貞幹調補義興尉參河南府君事割
 而不細曠而能斷蹤跡清直風聲鬱然足知動公卿之願走羣府
 之檄士林藉有自來矣十六年冬自洛陽抵襄州歷江夏將祇承
 本府之命大夫何公上才碩望作鎮茲地十四年矣急才愛士與
 饑渴等每賓客至登膺門下陳榻者輒損折咸重降就禮數歡愉
 周旋襟期洞開况與常侍交分重邱山疆場連風煙見我從事暫
 如會面不得不留連繼繼以道平生之意乎繇是窮勝賞酬宴醪
 景無徒盡花不浪發江夏郡東有黃鶴山山中頭陀大雲精舍顯
 師竹院惟一師茶圃又有東城石壁前有桃李樹千株澤國多雨
 芳華久困適值寒食前後天野清明眾花齊發火然雪白是日也

或噴丸劍之躍跳，鄙絲桐之嘈嘈。大夫乃減徒御，擊琴酒相與。屢遊乎其間，遭石而坐，觸陰而息。雅杯徐行，微微春風，好鳥一聲為我笙鏞，往復如此。猶旬累畫，皆所以竭主人之志，盡公約之歡也。明發理樞，黯然愁慕。南浦悠悠，別如之何。於戲，古人云：良辰美景，賞心樂事，四者難并。今實并之，庶懼恐後，會追之不及。恨恨正在於此耳。公約得不愈之乎？展布才力，好輔君子，以成賓主之美。乃所望也。副相視事久，困倦劇，未能操觚抒思，故小生敢於敘述。冠於首章，不知慙忤之無從也。請成賦春中一物為道路之志。

送賀著作憑出宰永新序

此周李遠

會稽賀憑，以著作郎出宰永新，其行也。其色似若有不懌者。一時學者憲府之有，咸共語之。舉杜甫詩云：樽前失詩流，塞上得國寶。乃相與賦詩送別。秦東亭隴西李遠獨後至，舉杯而前曰：子母以邑小去國萬里而難治，古者公侯之地方百里，自秦以來，大縣且

倍而過之。小縣亦不下十十而有餘。漢晉以士為之宰，俾教其鑿井耕田，養生送死，而無憾。歲賦其租，以供軍國。且以償士之直，非以榮祿之也。特養其廉，以教民爾。士既得民社之寄，則早作夜止，盡心以理之。使訟平賦均，老弱無懷，詐暴憎，斯無愧於取直而不負其所寄矣。今永新之為邑也，僻在江南西道，吾聞牛僧孺之言，與荆楚為鄰，其地有崇山疊嶂，平田沃野，又有寒泉清流，以灌溉之。其君子好義而尚文，其小人力耕而喜鬪，而其俗信玉鬼，悲歌激烈，嗚嗚鼓角，雞卜以祈年，有屈宋之遺風焉。今子往而宰之，勿以險遠難治而自貽伊戚也。以樂易近之，均其賦息其爭，因其利而役之，則無怨。明文王之政，以教之，使知禮讓，則尊君親上，養老慈幼，悉知而勸於為善，自無懷詐暴憎之習矣。然後手揮五絃，于堂上，樂其志，高山流水間，一動一靜，居仁由義，皞皞熙熙，同登壽域矣。吾屬在憲府與考績黜陟之事，待子三載而來歸報政也。勉之行，無忌。